

薛師石景石瓜廬詩

一卷 附一善 附一善

附一善 附一善 附一善

宋伯仁器之雪巖吟草

似此宋本影出者

樂雷發雪磯叢書 三卷

國家圖書館, NATIONAL CENTRAL LIBRARY, TAIWAN, R.O.C.

五本共八家

晉晉宋詩稱陶謝唐稱韋杜當其時人、皆工詩、非
非不盛也而四人者獨首稱豈非侯鯖爽口不若不致
之逸美鄙聲悅耳不若遺音之瑟哉唐風不競派沿江
西此道蝕滅盡矣永嘉徐照翁卷徐璣趙師秀乃始以
開元、和作者自期治擇淬鍊字、玉響雜之姚賈中
人不能辨也水心先生既噴、歎賞之於是四靈之名
天下莫不聞而瓜廬翁薛景石每與聚吟獨主古淡融
為廣夷鏤為素神悟意到自然清空如秋天迥潔風過
而成聲雲出而成文問謂四靈君為姚賈吾於陶謝韋
杜何如也夫古詩三百不過比興然上下數千年間騷

人文士望而知其難擬之而弗似矣。回靈陋晚唐不為
語不驚人不止而後生常則其步趨聲歎揚、以晚唐
誇人此人所不悟也。然則景石脫穎而出自成一家真
知幾之士哉。景石名家子多讀書通八陣八門之變乃
心物外至忘形骸築廬會昌湖西灌瓜貼樹筍醇擊鮮
日為文會論切闡析恐不人、陶謝輩社也情真氣和
庶幾乎有道者而年五十一死矣死後人士無遠近爭
致其詩其子弟手鈔不能給於是相與刻之嗚呼使景
石健至今詩又止是乎。嘉熙元年清明日東閣趙汝回

序

瓜廬詩

瓜廬

近來有新趣買得薛能園
踈壤延瓜蔓深鋤去草根
花時長載酒月夜正開門
最識田家樂辛勤更不言

瓜廬在日即事

西山起還伏插入萬丈潭
漁叟操桂棹樵歌過草庵
年荒酒味薄天旱井泉甘
不願丘園貴惟將易自參

送趙葵道赴台州錄事

廳前綆汲何從來清流海底通
九垓天河地脉隱旋轉

薛

師石

景石

上中下井躔三台滿城桃花二仙種方廣金殿三門開
一時會上幾許人若匪佛種應仙才于公徒知高其閭
豈識大化非胚胎今茲送言暫相別詩規筆誨紛崔嵬
傳說明皇定入夢方翔跡穢空諧詼不昵不阿予與汝
古交淡々無嫌猜

寄趙紫芝

別後訪消息傳言一半虛前官已不就所向定何如苦
雨厭羈思春風欺舊廬懷人閉門夕專擬寄來書

會宿趙紫芝宅

郊居無一事喜見友人來但席坐添火推窓立看梅論
詩漏欲盡煮茗匣重開此夜思徐照墓松猶未栽

贈達西堂

却罷住山緣歸來又十年自知身是妄常道鉢休傳塔
路修未直紗燈影處圓與吾相對坐語默盡通禪

寄蔡任

不見三百日間君消息多身閑詩有味水靜月無波琴
裏懷孤竹書中寄永和遙憐一江隔何計得相過

送趙紫芝入金陵幕

為官亦儻居官况定何如昨夜交游散滿湖秋雨踈此
邦佳麗久舊吏拜參初喜是賢侯幕新年有薦書

讀劉靖君碑

儒生身上事皆成
身外浮華六甚輕
種竹滿山門徑小
挂冠當路樹枝橫
幾於顏子三生壽
分得陶潛一字名
何處時今見前輩
只看碑語自心清

漁父詞

十載江湖不上船
捲篷高卧月明天
今夜泊杏花村
只有苓箬當酒錢

鄰家船上小姑娘
兒相問如何是
別離雙墮髻
一彎眉愛看紅鱗比目魚

平明霧靄雨初晴
兒子敲針作釣成
香餌小蠶絲輕釣
得魚兒不識名

繫船蘭芷繪長鱸
曲袷方袍忽訪吾
神甚爽貌全枯
莫是當年楚大夫

春融水暖百花開
獨棹扁舟過釣臺
鷗與鷺莫相猜
不是名不肯來

夜來采石渡頭眠
月下相逢李謫仙
歌一曲別無言
白鶴飛來雪滿船

莫論輕重釣竿頭
伴得船歸即便休
酒味薄勝空甌事
事何須着意求

寄謝黃元信惠茶

建溪金鉞直幾千，余性所嗜一已偏。尋常草卉不足進，龍團鳳夸如泯堅。長鬚健卒前月到手提，菜噐急取煎。妻兒攢眉笑苦澁，為言真味茲天然。易牙去已久，吾齒若具編枵腸，豈廢食睡省。非壯年惜此餘香，滯喉頰。除吟吟詠聲，詩成寄題建寧郡主茶官。吏俱時賢，合同緘印。一時畢進奉，飛馳爭春妍。天子不敢嘗，薦以寢廟先。定自褒嘉到屬郡，趣君密通玉爐煙。一以此味沃天下，邪魔驅掃無留連。

送子舒弟之官華亭

執手難為別，愁看去棹孤。船官得閑散，春晚過皇都。書附海人便，花添住屋圖。有時吟句穩，還憶老兄無。

送張直翁之筠陽

時平民事少，詩句定能清。况作江西去，放教秋水生。山花香淡泊，湘竹恨分明。朝士多知爾，慈溪舊有聲。

送趙端行廷對少寓期待之意

甲科知亦有，難得是家傳。定入中朝局，還支內賜錢。服青初解褐，班後忽趨前。獨謝歸廊幕，詩呈第一篇。

贈葛天民

逃禪已得計，易姓豈云非。自說身如幻，常人見亦希。亭邊看荷葉，樓上掛蓑衣。幾夜蘓堤月，隨君瘦影歸。

送廬次夔兼柬廬九祕書

蔡邕初入直撰著幾書成所取友若此遙知人至清朝
迴收疏藁夜語雜詩情愧我多年別相煩一寄聲

挽陳叔望

少年曾是魯諸生為立功名別路行嘗捉寶刀嚴漢陛
再持符節領江城絕憐詩律雙金在不見林塘五柳成
明日西山歸葬處踏青人散草初平

送葉季重之官吳門

君繼賢人業試官閭闔門但問要離墓莫看真娘墳虎
丘寺前生野草一花一葉皆麗好用心冷淡不此嗜自
有詩禮長探討給旁餘閑庭庶空小輿應亦上垂虹橋
邊風駛寄書便只寫平安報乃翁我慚空：易踈乍時
亦樞衣侍函席春膏流滑僮寄將待寫續經藏屋壁

寄趙叔魯

相知言莫盡別後意如何命笑春冰薄愁因夜雨多全
家寓京國無地著吟哦會得窮通理從余緝薛蘿

酬劉子至

寄來書一紙別後喜安和想見清高極吟成秋思多山
頭靈運立月下謫仙歌共是江湖客斜陽各曬蓑

賦二十八字

水滿溝塍不愁旱急催租稅却憂貧家人若不憐予拙
雪袴冰衫要及晨

紀夢曲

夜夢佳人嬌且長星冠霞帔雲衣裳雙眉淺淡畫春色
兩耳炫燿垂珠璫組步逡巡候相近世道人情不敢問
欽容正笑發一言不識巫山雲雨恨自從十五學仙經
今年二十身骨清天上有籍昇其名長聲短聲歌紫瓊
紫瓊之章詞宛轉永子人間風調遠餘聲未竟鐘鼓鳴
霧散煙收人不見

水心先生惠碩瓜廬

未成三徑已荒蕪勞動先生枉棹過數朶葵榴發深愧
愧一池鷗鷺避前河路通矮屋惟添草橋壓扁舟半沒
河再見緇維訪漁父却無漁父聽清歌

題南塘薛圃

門對南塘水亂流竹根橋抵自成洲中門老子隱名姓
只聽漁歌今白頭

中山

兩峰爭起入雲層半屬虛空半屬僧斜日滿山人到少
任蕃去後我來登

送趙端行

紛：帝族貴欽茲神秀門永嘉分奕葉甚盛二枝蕃吾
友天樂翁寔惟游之孫身雖羈旅畫詩則騷雅存姪行
有科第作尉期高騫是日提刑後令問方騰喧大心欲
圖南小技不在言十年相聚首偉論孰敢援念我守故
園君徃夫差國不遣吳水渾陸靜翫蟾彩江清烹鮓脍
邑宰話鄉曲官解如荒村昂藏信多暇時憶朋友樽窮
達委天分守道無競奔會當春風吹梅實衆花繁

挽徐道暉

昌黎銘最好朋友更情深身沒復何憾家貧自不禁春
山無死草夏木有清清陰為鬼詩還別重來何處尋

漁家

小舟輕似葉曾不畏風濤自說磻溪好鬪疑釣瀨高晚
來魚換酒歸去子持篙定是逃名者時聞歌楚騷

梅雨

梅潤雨兼旬暑月不知夏溪流三尺強舟人驚昨夜余
家有瓜田蘋藻紛採藉魚鮒失憑依跳躍至床下卑濕
畏暮年扶策升臺榭難願方丈食互市物踊價四鄰各
淒涼惟有酒可借五月藉新白咀嚼勝棗炙閉門人事
絕向晚烏巾卸震雷壓不住神龍未遑暇或謂蛟為孽
胡不寧爾舍旱澇政本農偏惠及間架皇天無所私未

遽損禾稼一洗天下清作我聖人化

謝陳水雲寄惠瓜廬字

我向村中住無人知姓名結廬難得就種樹幾時成扁
榜龍蛇動飛簷燕雀驚自憐幽僻地因此亦敷榮

和梅氏西澗韻

此處宜新月開門必向西近江潮有信初種樹猶低何
日尋梅隱移船繫柳堤詩篇滿牕戶留壁待余題

秋晚寄趙紫芝

數日秋風冷丘園独自身閑看籬下菊忽憶社中人苦
詠肩常瘦移家債又新極知君淡泊十載得相親

送王成叟先生訪丁子植

老懶無拘檢一年身耐貧還思溫嶺去別我苦吟人柳
色行三日雩風浴暮春舊時同學友迎拜綠袍新

和葛天民

賈島文章懷素書得來讀罷卷還舒西湖柳下為君宅
東海雲邊是我廬千里江山長若此一生心抱欲何如
相思唯有加飡食不暇逢人寄鯉魚

戲贈趙天樂

問隱當時意已深近來全廢是清吟一春祇為風雷變
盡日閑觀天地心聞道丹壚初候火能教瓦礫化成金

果然成得知何用不似瓜廬種紫萼

孤山

不到西湖今幾時十年雙鬢欲如絲難尋和靖題詩處
空見梅花成老枝

望夫石

望夫一望幾千年蒼蘚何曾似翠鈿却是春深更風雨
滿身吹淚使人憐

喜翁卷歸

我老寡儔侶年荒值冬迫膝下有啼寒餅下無儲積豈
不展轉思自欠經營策儒冠匪謬賦性素褊窄淵明
疑風世荷鋤心便適嗟予四友朋驚見三化魄一翁尚
淒涼六帙困行役家貧病難愈詩苦全白昨來扣我門
偶往比鄰宅聞語亟倒屣已去歛無逆知君懷百憂難
出難久客從今幸安居况有舊泉石清晨過窮廬竟夕
話疇昔逝者已云遠相期守枯瘠

寄題趙十四知縣聽雨堂

誰彈石上琴消々流水響主人性清曠靜夜逾幽想何
心指蓬閣取近對湫蕩應有可人來煙蓑曳雙漿

塔山和徐道暉壁間韻

寺在一山頂江分兩岸田憑何發詩興題宇古廊邊近

地今埋骨閑人亦助錢
昨宵留宿意不忍上歸船

送葉宰赴豐城

君往為官處江西寇已平
獄閑空劔氣堂靜響琴聲
有法催常稅無私得衆情
時方急賢路名定達公卿

喜徐璣至

榮滿自南歸曾過秦系廬
無心緣見道會面只如初
詩好多人說官清得薦書
柴門勞顧訪未覺四年踈

送蔣肖韓

岳陽有仙跡君去頗相宜
已料官閑日多吟湘水詩
高風琴断裂白月酒連漪
無意求人薦惟應我自知

懷趙紫芝

日沉月上暝煙斜收拾漁竿
恰到家為憶城南清瘦友
寒宵夢裏見梅花

至日遊湖

此心全剥落今日一陽生
自分安身計難逃素隱名
貧中聞道徹閑裏作詩清
別有求漁者笑予憂思盈

自題

半生作計在田廬習懶何曾好
讀書誰却畫作古人樣
旁邊還是欠柴鉏

送謝強學主建德簿

少年初試吏濯印富春亭水可清人骨山曾隱客星俸
廉專女養政簡靜公庭守是賢侯子應有薦墨青

寄題趙紫芝墓

辛未聯詩別九年成恍惚大星墜地旋無光君身入土
名不沒吳越之水相交流寂寞詩魂何處遊不聞孤鶴
喚人醒空見梅花似人影無復東巖招謝客應住西湖
伴和靖世上如今一句無一靈独存勢欲孤我有生芻
末未得只愁宿草易荒蕪

贈樂上人

何人養道得如君房接高樓半接雲山栽梅寒葉瘦瓦
爐留火夜香薰看經尋義心逾靜坐默觀身耳不聞莫
道門是塵市須知喧寂此中分

哀徐致中

亡友如今隔香冥畫身只見病時形書窻閉久梅添潤
花徑荒來草又青一卷詩編空就緒兩年文會覺凋零
幾迴行過深巷不忍登堂不拘局

送薛咏

病裏風光惚虛擲岸花園柳雨中休無端好客隨春去
送酒吟詩一併愁

楊柳枝

門前楊柳君莫折長於折處生兩枝兩枝難作一枝合
一心分作兩心時

唯有高枝高莫攀不堪攀處只堪看恠得樓頭畫眉婦
春朝長自凭欄干

獨於高處接陽和占得春風分外多須信繁華易被折
不如柔弱拂江河

汴水堤邊新可束永豐巷口綠成堆盛衰到底皆惆悵
何不移根種馬嵬

橫參樓和老杜韻

僻懶便幽處江湖稱隱心地偏欣改觀樓窗喜初臨暖
日低輕帽良朋接短襟潮聲全有韻帆影半回陰翠麓
添重色鱸風出淺林嶼頭煙瘴遠沙嘴浪痕深寂靜雲
歸壑瓊珊月近參人家已新睡漁父尚謳吟造化由來
久周迴忽見今愛他斜日照顛倒數山沉

湖上

勢利絕交初瞿然卧隱廬無營心淡泊見客禮生跡遊
有漁樵伴看多佛老書春深草易長忘却倩人鉤

宿瞿溪

船泊溪西岸人家見晚春疎星寒有鴈村寺夜無鍾竹
徑通新店茅柴煖病容農夫不相識問我欲何從

送從善雲遊

鴈蕩天台去，閑尋倚杖藤。路邊應得句，禪坐似無能。頂笠偏愁雪山猿，不畏僧僮逢清塞。伴休願入傳燈

多景樓

跨浙連淮是潤州，好山全對此江樓。少年志氣慚霜鬢，猶憶曾看打陣舟。

送法照

論著天台教，詩參左緯來。閑行過蓬萊，相對坐莓苔。講席虛前月，重遊約後迴。初開藏襖帖，應許為吾開。

送子舒弟赴金陵兼柬東采君輔

祿仕何方好，金陵摠莫如。廟存元帝像，家有二王書。羽檄時方急，文才用有餘。功名收拾了，歸食會昌魚。

送夏肯父

霜晴鴈蕩白，五日計鄉程。野燒明山店，輕輿憇嶺平。乞銘廿久客，愛母起歸情。孝極天為感，師文早晚成。

挽林敬之

閉門常讀易，避世意如何。有酒可消悶，無堦不種莎。閑時尋舊友，月夜步新河。我亦逃名者，題碑愧爾多。

金賢良

虛號賢良豈瘵飢，短衣結袖竟何為。空携痛哭能言策

不遇勤求下詔時老去說詩猶有味寒來索酒莫教遲
家貧身死知無計自有旁人為立碑

學海樓和水心先生韻

江口潮生夜語喧月殘惟有數星存更憑高處觀空闊
始悟乾坤是易門

下僊勝因寺有懷

山中初寄隱野寺一天星路遠有如此客來應未能
催寒嫗緯蟬雜夜僧經忽憶忘形友微吟自剔燈

趙成子

早年名字諸公並唯有清聲獨至今辭却雙旌更何事
自扶靈壽欲閑吟病來便作雲歸岫死矣猶如鶴在陰
終始哀榮了無恨只愁塵鎖匣中琴

送文子監草料場

坐局何煩聽曉雞豆萁苜蓿亦詩題好文不愛今人體
色養寧嫌古署低翰苑舊交應願訪相門新近事招携
歲寒惟有君於我老去過從許杖藜

寄鴈蕩詩僧

鴈蕩峰前夜雨晴空房不住有蟬聲一身閑後髮難白
五字吟來思極清少見出山多入定還於夏末起秋程
何如更待黃花節願我來遊計已成

李白墓

野火燒殘竹數枝
詩魂飄蕩定何之
娟娟秋月照來石
不在荒墳在水湄

漁父二首

偶來浦口芰荷香
綠葉叢中睡一場
須信至人無妄想
不曾有夢見文王
利薄每言隨分過
避名不入愚溪路
春深雨足釣絲長
夜來又宿蓑衣步

州醮席上賦牡丹得日字

粉淡乍妖紅
占盡陽和出
春去在高臺
更費吟人筆
此是洛陽花
尚帶長安日
持上使君墀
寶餅分甲乙

寄龍虎山道士孔野雲

上清三十六院閣
皆幽清
漱齒泉新汲
晞髮日始昇
自除燒墨竈
晝夕誦黃庭
所得異疇昔
出申山畏逢迎
同當知非年寄詩聊寫情

夜坐陳縉靈見訪

清夜焚香篆
閑看郊島詩
自憐多冷寞
誰足慰衰遲
樹雪明牕紙
餅梅落硯池
君心亦無事
相對坐移時

送翁靈舒閑遊

袖有新詩如美玉
知君去意十分濃
山行見草認靈藥

午歇就陰依古松
兩鬢已添蓬萊色
三年判作飄零蹤
羈情夜後更愁絕
深澗漸猿溪寺鐘

先寄郭子奇

世道祇如此君心
我得知先教栽菊
在預作去官期夢
覺秋風起行吟夜
月遲懷人幾千載
欣有扣門時

喜葉謙夫歸

老思忽蕭爽親朋
得意歸菊觴奉親
壽柳色上儒衣宅
旺看山勢門清有
釣磯我來聊問字
澹坐月侵扉

挽潘母

獨翫隔廳月淒涼
三十年杪然儒素
業鬪以姆儀儂生

計無中有衰齡病
後延誰為市貞石
高刻墓之前

送趙主簿

內地無烽火詩人
入仕林定將諫物
意移作愛民心晤
語初同調分携便
不禁下鄰曾有約
久後得相尋

送陳器之赴紹興初官

郡古湖如鏡照人
心膽清閑曹應事
簡盡日讀書聲府
主舊知舉同僚親
弟兄人言遊宦樂
難得比君榮

哭周宗彞

已嘆交情看漸少
聞君但化重傷神
手栽寒竹惟添笋
堂掩空山不見人
舊說媾婚今且置
新懷情悃向誰陳

獨憐頭白曾參母清夜悲號血淚頻

送項季約入成都幕

閣書入兵幕束袖學我裝峽峭巖侵月秋清猿嘯霜迂
程看陣磧到處宿詩堂若比仲宣樂輸君髮未蒼

送郭子奇

永嘉官滿後歸處是仙居柳舞陶潛徑桃迎阮肇車名
高唐寺塔篋滿晉人書看步青雲上題緘寄隱廬

送趙澤民赴鄆縣

高人為令尹政事豈尋常炎月不避暑清風心自涼水
流衡嶽色酒帶芷蘭香遠想濯纓暇思子有詠章

大龍湫

昔聞天下山衡嶽稱崇丘又聞天下水江漢為巨流古
有山海經歷三叙九州李唐三百載詩家無一笛及觀
灑道元此地亦不收不知諾矩那何事能窮按我來玄
妙境萬丈懸清湫石壁去無極百里彌道周雲氣冒群
岫龍宮深以幽輕輿巖壑底竟日涉溪遊陰晴異瞻矚
遠近難按接飄如飛素練絮若散琳瑯風掀一潭雨佛
坐四時秋喧呼勢益驟沓湧聲彌吼變化有如此溥博
誰子侍吾謂神龍力豈翳人鬼謀稽首荷玄遇久坐勞
雙眸一盃却嵐暑旋步轟雷稠以吾澹世慮故起杞人

憂何當騎天狼滿引射斗牛

斷橋

獨扶瘦杖欲經過為問高僧意若何自倚神通能渡水
却言佛法本無多

寒山寺壞莊產盡為勢家所奪余遊天台甚為
普賢惜之陳約甫攝郡號不畏強禦者必能与

寒山出氣

寒山寺廢佛燈寒有客來遊欲往難夙世閻丘今攝郡
不妨饒舌似豐干

哭劉詠道

案上韓文與杜詩小齋閑澹亦相宜人憐貧病憂無計
自說文章樂未涯礼合古初山友哭衲從先世夕郎知
生平直諒嗟何往不是哀辭是誄辭

送張真翁

宰公詩句是騷人官舍况臨湘水濱衙獄望中思策蹇
滄浪清甚欲垂綸長於一縣花開後獨訪三閭廟裏頻
元亮何曾藉知己翩然出處自由身

送王倅之興化

梅溪好源委流德至今存獨健賢人業共推君子孫官
清五字好州小貳車尊所歷七閩郡從茲水不渾

挽趙孺人余中表也

幼小同群戲年加各所之常疑艷花卉終是易離枝夫
壻新袍綠兒男半髮垂送歸萬里道興我渭陽思

趙叔魯端行胡象德携酒見顧

一賢二公子枉駕瓜廬立烹魚載美酒竟夕為我留評
詩仍和曲舉白不計籌情忘覺歡暢禮厚愧莫酬今朝
風雨橫欲謝出無由

挽徐左史

左史聲名空復存如今往事不堪論惟應指佞當前陛
已判身歸老故園驄馬引喪寒有淚麒麟卧塚寂無言
人生遇合萍相似何處分明怨與恩

送鮑份父

地僻官仍小茲行古迹多矩羅應失笑龐緼亦經過宦
業知餘事宗風竟若何

滿舍是青莎

挽張彥文提舉

七十童顏在脩然物外幽組衣藏蠹篋散服上漁舟此
日移松葵前時為菊咎山連象浦館誰記孟家遊

淨光長老極能詩

近位城中寺陰雲漬竹房雨多香篆久春去藥苗芳室
裏從人間吟邊與世忘一身全是道頭白有何妨

朱清之

滌水日夜白之人信所宜
隱於陶令酒甘謝郗詵
枝江渡月偏滿家庭歲有規
不知君沒後誰主菊花期

送蔣肖韓赴弋陽

弋水橋邊接長官
水晶山色讓清寒
共知彫斲今稱劇
自倚廉勤道不難
吏退早衙花石靜
宦翔秋祀訟庭寬
從來遇事無凝滯
應只愛民勞寸丹

送謹師

謹師牢絆脚語別意茫茫
入寺春隨杖當禪月滿床
多因新見解拋却舊篇章
為我金山去鉗鎚問一場

挽宋耆卿

人如韞玉操如冰
拾芥推梨世豈能
案上有琴亡舊轡
墓頭無火續寒燈
一官祇是幽閑過
百行惟須健筆稱
此曲調高知者少
朗吟喚得九原磨

送高郵周主簿兼呈陳居端

遠縣重湖色難同
主簿清雖云古郵
置不似近邊城月
落淮田闊風晴
隨柳輕鄉人在曹
職相得為詩情

寄守上人歸闕省親

從小服緇素
三衣竟不長
心空無物礙
頂重有詩囊
去與雲相似
來期春未央
家山指萱草
微笑奉高堂

無題

平生愛菊與梅花
菊比淵明梅似逋
誰知此道今寥落
愛菊愛梅人也無

戊子七月十一日

貧因幾首詩
閑高一着棊
瓜田常嘿坐
不願有人知

瓜廬詩

附錄

四靈留題

奉題

薛景石瓜廬

徐

照

何地有瓜廬
平湖四畝餘
自鉏畦上草
不放手巾書
人遠來求字
童閑去釣魚
山民山上位
却羨水邊居

趙師秀

不作封侯念
悠然遠世紛
惟應種瓜事
猶被讀書分
野水多於地
春山半是雲
吾生嫌已老
學圃未如君

徐璣

近舍新為圃澆鉏及晚涼因看瓜蔓吐識得道心長隔
沿嘉蔬潔侵畦異草香小舟應買在門外是漁鄉

翁卷

卜得無塵地栽花仍結廬雖然親隴畝還不離琴書洲
暖烟藏樹波寒月照魚東陵人已遠新興復何如

薛瓜廬墓誌銘

松臺王綽撰

永嘉之作唐詩者首四靈繼靈之後則各劉詠道戴文
子張直翁潘幼明趙幾道劉成道盧次夔趙叔魯趙端
行陳叔方者作而鼓舞倡率從容指諭則又各瓜廬隱
君薛景石者為諸家嗜吟如啖炙每有文會景石必高
下品評之曰某章賢於某若干某句未圓某字未安諸
家首肯而意慙退復競勸語不到驚人不止然景石不
但工於詩而其小楷初授法於卑炳文日經月緯已忽
超詣識者嘆其得昔人用筆之意蓋詩自建安以來體

製屢變至開元元和而後極工書由魏晉而下法度漸
失迨歐虞褚薛而迄不可復景石着句必於郵島之間
落筆期於鍾王之次詩寢遍唐人而書不止於唐人焉
斯亦竒已繼諸家後又有徐太古陳居端胡象德高竹
有之倫風流相沿用意蓋篤永嘉視昔之江西幾似矣
豈不盛哉然不知者謂此特晚唐之作夫使晚唐若杜
荀鶴鄭谷輩置一語於前人集中雖稍通句律者能辨
龔家頽而襲其迹乎是又可與智者道之爾薛氏寔康
村唐補闕令之：後傳十有四世而至曾祖敷文閣待
待制公弼祖福州教授公叔淵父華州雲臺觀公浩母
宜人王氏周氏景石襟韻疏曠卓犖有大志視寒生窈
士思欲盡取衣食之困於力不給而止然猶經理整緝
隨所有丐與之築室于會昌湖上敲榜擊楫日夕漁翁
釣叟相忘於萬款之間余舊子讀書於長老山景石坐
滌岩掬流泉抵掌長嘯採茶芽松花以茹之真若忘世
然者已迺酌古今談世務究竒正相生之變而推考八
陣旁及遁甲縱橫歛散其論高於人數等蓋家學之傳
達有端緒景石又能錯綜而發揮之嗟夫余老矣所恃
以託其後者頽一二友在而子舒既亡景石又不少筮
焉其能不漸盡也耶景石卒于紹定改元之八月二十

三曰年五十有一娶木氏尚書禮部公待問女六子長
嵩國子監進士次峻國季免奉生次嶠髦彤彪三女長
適黃善幼未笄景石不止工小楷籀篆斯隸深造其極
四方士友求于門景石不靳惜畀之大者徑三數尺許
銘祖父有不得景石書為恨諸孤卜明年三月之二十
九日葬于永嘉縣吹臺御橫嶼之陽屬余銘余固期景
石之挽我者而反銘之乎景石諱師石有瓜庐集若干
卷銘曰

蜂之螫兮蠅營蟻之垤兮蝸阻兵排廣莫兮隘滄
溟匪南冥之鯤与東海之若兮誰其与銘

竊嘆古今知名士非文字言語固無以垂後而後之人
乃以其人之賢與否而定去取之目則所重者蓋不特
文字言語間也陶靖節之潔操絕俗杜工部之忠恪愛
君李太白白樂天皆先頌其人而後及其詩若瓜廬耕
釣於會昌湖上隱然古君子融液羣書于世味澹無所
羨故於詩多肥遯之辭舒性情之正得象外之趣酌繩
尺之嚴想其人晉宋人也讀其詩止于唐可乎交道寡
落無所統盟拊卷重感嘉熙二年立夏日荆山劉植
余蚤游東嘉于

瓜廬君技分最密是集所銓次非晤語所及則書題所

緘寄也捲卷俛仰遂成千古悲哉然君最愛劉長卿詩
余一日偶聞姚賈如何則曰某自愛此何論姚賈後十
年復過之則手翻口誦一以杜老為師矣且時、為余
言詩惟恐其不空遠空易到達難及余洒然識其所謂
今是集所編大槩趣極澹意極玄句法極精妥霜松雪
柏雖不以葩卉自命然虬枝直上勢摩霄漢人不得不
仰而視也信矣其名家哉余猶記其游鴈山有半洞容
千佛諸峰共一雲石橋有泉涌龍頻躍山靈鳥不來之
句而是編乃獨逸何邪暇日更當從趙東閣評之東谷
王文

予讀四靈詩愛其清而不枯淡而有味及觀瓜廬詩則
清而又清淡而益淡始看若易而意味深長自成一家
不入四靈隊也蓋四靈詩雖擺脫塵滓然其或仕或客
未免與世接犹未純乎淡也若瓜廬則終身隱約不求
人知其所為詩若淳音淡泊自有餘韻其分数又高矣
此水心先生之所稱賞而諸靈之所推避而待以別席
也瓜廬沒後其詩始出而求者益衆平生所為詩不多
其子峻輩始收拾僅得幾篇旋毀諸板以應好事者之
求峻以明經進士為常德郡博士亦喜吟哦工字畫雅
有父風而出處異矣淳祐丙午夏五東岷老人曹邈題

瓜廬吾宗人也吾不得而見之得見其詩斯可矣
太息而題於卷杪

獨菴薛美

結廬兄弗近長安弊却儒冠竟不彈自如芝來輕漢呂
肯將瓜去博唐官貧多樂事清無盡手寫新詩墨未乾
史筆須評隱君傳姓多教做古人看

寄薛景石

趙師秀

虛息風颯然獨卧聽殘蟬家貧祿多闕詩篇老漸圓清
秋添一月故里別三年最憶君門首黃花正楚泉

呈蔣肖韓薛景石

中夜清寒入緼袍一杯山茗當香醪禽翻竹葉霜初下
人立梅花月正高無欲自然心似水有營何止事如毛
春來擬約蕭閒伴重上天台看海濤

吳中：秋懷瓜廬諸友

趙希道

涼分一半秋此夜客吳州無侶共明月喚僧同倚樓天
虛雲氣盡風靜桂香浮遙憶前年醉狂吟滄海頭